



słowo tygodnia

ZMOTANY RĚKA

čo. 41

- a) wučerpany; bjezradny a zadziwany
- b) hotowy na wotjězd
- c) přebity

Prawa je wotmołwa **a**.

Hdyž sy zmotany, je će dožiwjena situacija přežadała, njemóžeš ju hišće prawje zarjadować abo nimaš z njej nazhonjenja. To njeje runje přijomne začuće. Druhdy so z tym tež wupraja, zo je čłowjek zludany, zo je jeho něšto přestapiło. Zdžěla to samo čělnje začuwa. Na kóždy pad trjeba čas, zo by so z toho zhrabał.

Takle móžeš to tež prajíc:

- zamyleny, zludany, poraženy

Příklady z rěčneho korpusa:

Zludany a *zmotany* so kral I. na kamjeń posydny. (Serbske Nowiny 2006)

Běch někotre dny kaž *zmotany*, nazymnjeny, mějach zymnicu. Nětk je so polěpšiło. (Achim Brankačk, Listowanje Bjarnata Krawca z Arnoštom Muku, Měranku Lešawic a Michałom Nawku. Lětopis 48, Budyšin 2001)

Mjeztym bě so Kral, na korće sedžo, trochu z nahleho stróženja wutorhnył, ale cyle prawje jemu njebě, zo je Bosćij jeho tajkeho *zmotaneho* widžał. (Marja Kubašec, Bosćij Serbin. Budyšin 1965)